



Universitätsbibliothek Paderborn

Instructio practica ...

De Sacerdotii Origine & Præstantia - Variis item Industriis, & Praxibus, quibus Sacerdotes boni ad Dei gloriam suámque & Proximi salutem promovendam sunt usi ; Malorum Qvoque Sacerdotum infelici interitu, radicibus, & remediis Cui etiam Compendium Ritualis, ea, quæ pro commodiori Sacramentorum & ...

Lohner, Tobias

Dilingæ, 1681

Cap. X. De Sepultura Parvulorum Baptizatorum.

[urn:nbn:de:hbz:466:1-48600](https://nbn-resolving.org/urn:nbn:de:hbz:466:1-48600)

- ¶. Domine exaudi orationem meam.
R. Et clamor meus ad te veniat.
V. Dominus vobiscum.
R. Et cum Spiritu tuo.

Oremus.

Ac, quæsumus, Domine, hanc cum seruo tuo (*an-*
famula tua) defuncto (*defuncta*) misericordiam, ut
victorum suorum in pœnis non recipiat vicem, qui (*vel*
ea) tuam in votis tenuit voluntatem, ut sicut hîc eum
cam) vera fides junxit Fidelium turmis, ita illic eum
vel eam) tua miseratio societ Angelicis choris. Per
Christum Dominum nostrum. R. Amen.

- V. Requiem æternam dona ei, Domine,
R. Et lux perpetua luceat ei. *ut supra.*

CAPVT IX.

DE SEPULTURA
PARVULORVM BAPTI-
ZATORVM.

Sacerdos indutus superpelliceo. & Stola albâ, cùm ad
locum, vel domum, ubi parvuli funus est positum, eo-
dem ordine, quo ad funus adulti processionaliter advene-
rit, stans coram eo dicit:

Antiph. Sit nomen Domini.

Psalmus 112.

Laudate pueri Dominum : laudate nomen Do-
mini.
Sit nomen Domini benedictum : ex hoc nunc. &
inque in sæculum.

N 4

A Solis

A Solis ortu usque ad occasum : laudabile nomen Domini.

Excelsus super omnes gentes Dominus : & super caelos gloria eius.

Quis sicut Dominus DEUS noster, qui in altis habitat : & humilia respicit in caelo, & in terrâ.

Suscitans à terrâ inopem : & de stercore erigens pauperem.

Ut collocet eum cum principibus : cum principibus populi sui.

Qui habitare facit sterilem in domo : Matrem filiorum latantem.

Gloria Patri, & Filio : & Spiritui sancto.

Sicut erat in principio, & nunc, & semper : & in saecula saeculorum, Amen.

Antiph. Sit nomen Domini benedictum in saecula.

Kyrie eleison. Christe eleison. Kyrie eleison.

Pater noster. *reliqua secreto.*

✱. Et ne nos inducas in tentationem.

✱. Sed libera nos à malo.

✱. Me autem propter innocentiam suscepisti.

✱. Et confirmasti me in conspectu tuo in aeternum.

✱. Dominus vobiscum.

✱. Et cum spiritu tuo.

Oremus.

DEUS totius consolationis, qui pueris jam per baptismi gratiam caelestia largiris innocentiae praemia : concede propitius ; ut quae illis gaudia contulisti, eadem nos, sicut modò geniti infantes, consequamur. Per Christum Dominum nostrum. ✱. Amen.

In Frisingensi Rituali loco prioris Orationis hac habetur:

Omnipotens & mitissime DEUS, qui omnibus Parvulis renatis fonte baptismatis, dum migrant à sæculo, sine ullis eorum meritis vitam illico largiris æternâ, sicut animæ hujus Parvuli, (*Parvula*) hodie credimus te fecisse, fac nos, quæsumus Domine, per intercessionē beatæ MARIÆ semper Virginis & omnium Sanctorum tuorum, hæc purificatis tibi mentibus famulari, & in Paradiso cum beatis Parvulis perenniter sociari. Per Dominum nostrum. Amen.

Dein aspergat funus aquâ benedictâ ter in modum crucis, & incenset ter eodem modo (quod tamen in Frisingensi Rituali ante & ne nos inducas &c. facere jubetur.)

Postea portetur funus ad sepulchrum & in via sequens Psalmus dicatur, (cui Rituale Frisingense psalmum Beati immaculati præmitti jubet.)

Antiph. Juvenes & Virgines, Senes cum Junioribus laudent nomen Domini.

Psalmus 148.

Laudate Dominum de cælis : laudate eum in excelsis.

Laudate eum omnes Angeli ejus : laudate eum omnes virtutes ejus.

Laudate eum Sol & Luna : laudate eum omnes Stelle, & lumen.

Laudate eum cæli cælorum : & aquæ omnes, quæ super cælos sunt, laudent nomen Domini.

Quia ipse dixit, & facta sunt : ipse mandavit, & creata sunt.

Statuit ea in æternum, & in sæculum sæculi : præceptum posuit, & non præteribit .

N s

Lauda-

Laudate Dominum de terrâ : dracones, & omnes abyssi.

Ignis, grando, nix, glacies, spiritus procellarum : quæ faciunt verbum ejus.

Montes, & omnes colles : ligna fructifera, & omnes cedri.

Bestiæ, & universa pecora : serpentes, & volucres pennatæ.

Reges terræ, & omnes populi : principes, & omnes judices terræ.

Juvenes, & virgines, senes cum junioribus, laudent nomen Domini : quia exaltatum est nomen ejus solius.

Confessio ejus super cælum & terram : & exaltavit cornu populi sui.

Hymnus omnibus Sanctis ejus : filiis Israël, populo appropinquanti sibi.

Gloria Patri, & Filio : & Spiritui sancto.

Sicut erat in principio, &c.

Juxta Sepulchrum dicit :

℣. Dominus vobiscum.

℞. Et cum spiritu tuo.

Oremus.

OMnipotens sempiternæ DEUS, sanctæ puritatis amator, qui animam hujus parvuli, de hoc mundo ad cælorum regna misericorditer vocare dignatus es, concede nobis, ut meritis Beatæ Mariæ semper Virginis, & omnium Sanctorum, cum eisdem, gaudiis perfrui mereamur æternis. Per Christum Dominum nostrum. ℞. Amen.

Et aspergit Sepulchrum aquâ benedictâ, dicens :
Sanctificetur sepulchrum istud in nomine Patris, & Filij, & Spiritûs sancti, Amen.

Jubent

Jubeat imponi funus : positumque in sepulchro asper-
gat aquâ benedictâ, & si vult, incenset : cum palâ ter
superinjiciat terram, dicens :

Memento homo, quia pulvis es, & in pulverem
revertêris.

Jam dum sepelitur, dicat Sacerdos :

Antiph. Benedicite.

Canticum trium puerorum Dan. 3.

Benedicite omnia opera Domini Domino : laudate
& superexaltate eum in sæcula.

Benedicite Angeli Domini Domino : benedicite cæ-
li Domino.

Benedicite aquæ omnes, quæ super cælos sunt, Do-
mino : benedicite omnes virtutes Domini Domino.

Benedicite sol & luna Domino : benedicite stellæ cæ-
li Domino.

Benedicite omnis imber, & ros Domino : benedicite
omnes Spiritus DEI Domino.

Benedicite ignis, & æstus Domino : benedicite frigus,
& æstus Domino.

Benedicite rores, & pruina Domino : benedicite gelu, &
frigus Domino.

Benedicite glacies & nives Domino : benedicite no-
ctes & dies Domino.

Benedicite lux & tenebræ Domino : benedicite ful-
gura & nubes Domino.

Benedicat terra Dominum : laudet & superexaltet
eum in sæcula.

Benedicite montes & colles Domino : benedicite u-
niversa germinantia in terrâ Domino.

Benedicite fontes Domino : benedicite maria & flu-
mina Domino.

Bene-

Benedicite cete, & omnia quæ moventur in aquis
Domino: benedicite omnes volucres cæli Domino.

Benedicite omnes bestię & pecora Domino: benedicite filij hominum Domino.

Benedicat Israël Dominum: laudet & superexaltet eum in sæcula.

Benedicite sacerdotes Domini Domino: benedicite servi Domini Domino.

Benedicite Spiritus & animæ justorum Domino benedicite Sancti & humiles corde Domino.

Benedicite Anania, Azaria, Misael Domino: laudate & superexultate eum in sæcula.

Benedicamus Patrem & Filium cum sancto Spiritu: laudemus & superexaltemus eum in sæcula.

Benedictus es Domine in firmamento cæli: & laudabilis, & gloriosus, & superexaltatus in sæcula.

Antiph. Benedicite Dominum omnes electi ejus, agite diem lætitiæ, & confitemini illi.

Kyrie eleison. Christe eleison. Kyrie eleison.

Pater noster. *secretò.*

ψ. Et ne nos inducas in tentationem.

℞. Sed libera nos à malo.

ψ. Sinite parvulos venire ad me.

℞. Talium est enim regnum cælorum.

ψ. Dominus vobiscum. ℞. Et cum Spiritu tuo.

Oremus.

DEUS, qui miro ordine Angelorum ministeria hominumque dispensas: concede propitius, ut à quibus tibi ministrantibus in cælo semper assistitur, ab his in terrâ vita nostra muniat. Per Christum Dominum nostrum. ℞. Amen.

Signet

Signet cruce lignea Sepulchrum, dicens :

Signum Salvatoris ✠ Domini nostri JESU Christi,
fit signatum ✠ super te, qui in hac imagine ✠ redemit
te, nec permittat introire Angelum percutientem in æ-
ternum. Pax tecum.

Exhortatio brevis fiat, hac, vel simili modo.

Andächtige in Christo dem HERN ; Dierweil
uns auch durch diß unschuldige Kindlein die
Menschliche Sterblichkeit fürgestellt wird / so laßt
uns GOTT den HERN umb sein Göttliche Gnad
treulich anrueffen / und bitten / damit wir hie auff
dieser Welt ein unschuldiges / raines Leben führen / ein
glückseliges Stündlein unsers Absterbens / und end-
lichen / sambt disem Kind / auch allen lieben Heiligen
und Außgewählten Gottes / die Cron der ewigen
Freyd / und Seeligkeit erlangen mögen. Seyt
auch ingedenck aller deren / so allhie in disem Orth
begraben ligen / insonderheit aber / welche auß disem
Geschlecht in GOTT verschyden seynd. Sprechet
uns / und ihnen zu Hülff und Trost ein andächtiges
Vatter unser / und Englischen Grueß.

Quo dicto omnes per ordinem aspergunt tumulum, &
discedunt.

Rituale Frisingense cum ad fores Ecclesia perventum
est, jubet dici sequentem Antiphonam cum Psalmo.

Antiph. Hic accipiet.

Psalmus 23.

Domini est terra, & plenitudo ejus : orbis terrarum.
& universi qui habitant in eo.

Quia ipse super maria fundavit eum : & super flumi-
na præparavit eum.

Qui

Quis ascendet in montem Domini : aut quis stabit in loco sancto ejus ?

Innocens manibus, & mundo corde : qui non accipit in vano animam suam, nec juravit in dolo proximo suo.

Hic accipiet benedictionem à Domino : & misericordiam à DEO salutari suo.

Hæc est generatio quærentium eum : quærentium faciem DEI Jacob.

Attollite portas principes vestras, & elevamini portæ æternales : & introibit Rex gloriæ.

Quis est illæ Rex gloriæ ? Dominus fortis & potens : Dominus potens in prælio.

Attollite portas principes vestras, & elevamini portæ æternales : & introibit Rex gloriæ.

Quis est iste Rex gloriæ ? Dominus virtutum ipse est Rex gloriæ. Gloria Patri, &c.

Antiph. Hic accipiet benedictionem à Domino, & misericordiam à DEO salutari suo : quia hæc est generatio quærentium Dominum.

Parochus cum venerit ad sepulchrum, sistit se ad pedem illius, & illud benedicens dicit.

Oremus.

DEUS, cujus miseratione animæ fidelium requiescunt, hunc tumulum bene ✕ dicere dignare, eoque Angelum tuum sanctum deputa custodem : & quorum quarumque corpora hîc sepeliuntur, animas eorum ab omnibus absolve vinculis delictorum, ut in te semper cum sanctis tuis sine fine latentur. Per Christum Dominum nostrum. *℞.* Amen.

Deinde immittit thus in thuribulum, illud more solito benedicens, & aspergit sepulchrum ter, in modum Crucis, nihil dicens : deinde eodem modo incensat, ut alias.

Post hæc parochus intonat, (vel dicit.)

Antiph. Benedicite.

Tum dicit Canticum trium puerorum, quod à Cantoribus (si adsunt,) cantatur

Benedicite, ut supra fol. 195.

Antiph. Benedicite Dominum omnes electi ejus, regite diem lætitiæ, & confitemini illi.

Postea dicit vel cantat, si adsunt Cantores.

Kyrie eleison. Christe eleison. Kyrie eleison.

Pater noster: totum secretò usque ad ψ. Et ne nos inducas in tentationem, &c.

Interim funus demittitur in sepulchrum.

Simul parochus dicit: sume terra quod tuum est, sume DEUS, quod suum est, corpus de terrâ formatum est, Spiritus de sursum inspiratus est.

Et mox aspergit funus aquâ benedictâ, atque incensat, ut aliàs.

Tum palâ ter super funus in medio, à dextris, & sinistris ejusdem, immittit modicum terræ, dicens: Memento homo, quia pulvis es, & in pulverem revertêris.

CAPVT X

DE SACRAMENTO MATRIMONII.

Articulus I.

Benedictio Annuli Matrimonialis.

TEmpore opportuno, vel antequam accedat ad copulationem Matrimonij Parochus in Ecclesia benedicit Annulum Matrimoniale super pelliceo vel albâ, & Bolâ violaceâ indutus, dicens:

ψ. Adju-